

# Borgmesterit qinigaajunnaarnersiutaat soraarnerussutisiaallu aammalu taakkua aappaasa meeraasalu taakkuninnga pissarsisinnaaneri pillugit Namminersornerullutik Oqartussat nalunaarutaat

Kommunalbestyrelsit, nunaqarfinni aqutsisut il. il. pillugit Inatsisartut inatsisaanni nr. 20-mi, 3. november 1994-imeersumi § 37, imm. 1 naapertorlugu makku aalajangersarneqarput:

**§ 1.** Borgmesteri nammineq soraarnerussutisiaqarnissaminut qinigaajunnaarnersiuteqarnissaminullu §§-ini 2-miit 7-imut aammalu 9-miit 10-mut malittarisassat naapertorlugit pisinnaatitaaffeqarpoq.

*Imm. 2.* Aappaasoq meeqqallu borgmesterip toqukkut peerunneratigut qimataasut §§-ini 8-mi 11-milu malittarisassat naapertorlugit soraarnerussutisianut qinigaajunnaarnersiutinullu pisinnaatitaaffeqarput.

## *Nammineq soraarnerussutisiat*

**§ 2.** Borgmesterip tunuarnermini nammineq soraarnerussutisiassai ukiut soraarnerussutisiassaqarfissai akissarsiaalu soraarnerussutisiaqaatissat naapertorlugit aalajangersarneqartassapput.

**§ 3.** Nammineq soraarnerussutisiassaqalernissamut ikinnerpaamik ukiuni arfineq-pingasuni sulereersimanissaq piumasaqaataavoq, takuulli imm. 4.

*Imm. 2.* Piffissaq suliffusoq tassaavoq piffissaq pineqartup borgmesteritut suliffigisaa aammalu ukiuni qinigaaffinni arlalinni borgmesteritut sulisarimanerit ilangunneqartassallutik.

*Imm. 3.* Piffissaq suliffusoq ukiunut ilivitsunut aammalu ukiup sulilerfiup aallartiffianit naatsorsorneqartassaaq.

*Imm. 4.* Borgmesteri nappaammik nakorsap uppermarsaasiinera naapertorlugu borgmesteritut suleqqinnissaminut akornuserneqarluni kommunalbestyrelsip akuersineratigut tunuarpat piffissaq suliffmsoq piffissamut tunuarnerup nalaani qinigaaffimmut tamakkiisumut naatsorsorneqartassaaq.

**§ 4.** Ukiut borgmesterip soraarnerussutisiassaqarfissai piffissap suliffiusup naatsorsorneqartarnera naapertorlugu ima naatsorsorneqartassapput:

Piffissaq borgmesteriuffik:

Ukiut soraarnerussutisiassaqarfissat:

Ukiut 8-nit 10-nut

Ukiunut 28-nut naatsorsorneqassapput

Ukiut 10-nit 12-inut

Ukiunut 30-nut naatsorsorneqassapput

Ukiut 12-init 14-inut

Ukiunut 31-nut naatsorsorneqassapput

Ukiut 14-init 16-inut

Ukiunut 33-nut naatsorsorneqassapput

Ukiut 16-init 18-inut	Ukiunut 34-nut naatsorsorneqassapput
Ukiut 18-init 20-nut	Ukiunut 36-nut naatsorsorneqassapput
Ukiut 20-it sinnerlugillu	Ukiunut 37-nut naatsorsorneqassapput

**§ 5.** Borgmesteri nammineq soraernerussutisisalissaq borgmesteritut tunuarnermi nalaani nalinginnaasumik soraernerussutisisalersussatut 60-inik ukioqalereersimaguni imaluunniit ullormit taama utoqqaatigilerfimminit.

**§ 6.** Nammineq soraernerussutisiat tunuarnerup kingornagut tunniunneqartarnerisalu nalaani malittarisassat nunatsinni tjenestemandinut atuuttut naapertorlugit naatsorsorneqartarlutillu akit allanngorarnerinut iluarsiissuteqarfingeqartassapput.

**§ 7.** Soraernerussutisiaqalernissaaq aallartittarpoq § 9 naapertorlugu piffissaq qinigaanersiutaaruffik qaangiukkaangat.

*Imm. 2. Pineqartoq borgmesteritut qinigaaqqippat soraernerussutisiaqartitsineq unitsinneqassaaq.*

#### *Aappaasup meeqqallu soraernerussutisiaqartitaanerat*

**§ 8.** Aappaasoq meeqqallu soraernerussutisiaqartinneqartassapput malittarisassat nunatsinni tjenestemandinut atuuttut naapertorlugit.

*Imm. 2. Naak borgmesteritut sulinerup qaangiutereerneratigut appariilersoqaraluartoq nalunaarut manna malillugu aappaasoq aappaasutut soraernerussutisiaqarsinnaatitaavoq. Taamatuttaaq meeqqat meerarisatut soraernerussutisiaqarsinnaatitaapput naak borgmesteritut sulinerup qaangiutereerneratigut inunngoraluarlutik.*

#### *Qinigaajunnaarnersiutit*

**§ 9.** Borgmesteri qinigaajunnaarnersiuteqartinneqartassaaq qaammammut pineqartup ukioq kingulleq sulinermini akissarsiaasa 1/12-iannik. Ukiut aallartinneqartut pineqartup borgmesteritut suliffigisai tamarmik qaammatip aappaata affaanik sivisussusilimmik qinigaajunnaar-nersiuteqatissaapput.

Piffissarli qinigaajunnaarnersiuteqarfissaq sivisunerpaamik qaammatinik 12-inik sivisussuseqarsinnaavoq.

**§ 10.** Borgmesterip tunuarnera pinerluttulerinermi inatsit naapertorlugu peqqussuteqarnermik nakkutigineqartussaanermilluunniit pissuteqarluni qinigaasinnaajunnaarnermik kinguneqarsimappat kommunalbestyrelsip inassuteqareerneratigut naalakersuisunit aalajangerneqassaaq borgmesteri nalunaarummi matumani malittarisassat naapertorlugit qinigaajunnaarnersiu-teqarsinnaatitaassanersoq.

#### *Aappaasup meeqqalu qinigaajunnaarnersiutinik pissarsisinnaanerat*

**§ 11.** Borgmesterip toqukkut peerunnini tikillugu borgmesteritut sulisup imaluunniit toqukkut peerunnini tikillugu borgmesterip qinigaajunnaaraersiutanik pissarsisartup aappaa piffissap qinigaajunnaarnersiuteqarfiup sinnerani, sivisunerpaamilli borgmesterip toquneraniit qaammatini pingasuni, qinigaajunnaarnersiutinik pisartagaqarsinnaavoq.

*Imm. 2. Borgmesteri toqukkut aappaminik qimataqanngippat qimataasorluunniit piffissap qinigaajunnaarnersiuteqarfiup qaangiutinnginnerani toqukkut peeruppat qinigaajunnaarnersiuteqarsinnaaneq borgmesterip meeraanut suli 18-iliisimanngitsunut, borgmesterip toqukkut peerunnerani tassannga angajoqqaatut oqartussaaffigisaasunut, pisinnaatitaaffinngussaaq.*

*Soraarnerussutisianit il. il. ilanngaatit*

**§ 12.** Borgmesteritut sulisimanermit soraarnerussutisiat ikilineqartassapput nalunaarut manna naapertorlugu soraarnerussutisiaqartoq pisortani atorfegarnermini allatigut akissarsiassaqaqtitaappat, ajunngitsorsiassaqaqtitaappat imaluunniit soraarnerussutisiassaqaqtitaappat.

*Imm. 2. Soraarnerussutisiat ikilineqartassapput akissarsiat, ajunngitsorsiassat soraarnerussutisiallu nalunaarut manna naapertorlugu ukiuni amerlanerpaani borgmesteriusimasup soraarnerussutisiarisinnaasaasut amerlatigilersillugit.*

*Imm. 3. Soraarnerussutisiat imm. 1-imit 2-mut naapertorlugit taamaallaat ima amerlatigisunik ikilisinneqarsinnaapput soraarnerussutisiassat pineqartup allatigut piumasarisinnaajumaagai soraarnerussutisiassat borgmesteritut sulisimanermeersut kingunerannik soraarnerussutisiassat killilerneqartarneri pillugit aalajangersakkat atuuttut soraarnerussutisiat pineqartut akiliutigineqarneranni pisimannngippata.*

**§ 13.** Kommunimi ataasiinnaanngitsumi borgmesteritut sulisimanermit soraarnerussutisiat qinigaajunnaarnersiutillu kommunini pineqartuni borgmesteritut sulisimanerup sivisussusii naapertorlugit aviffigeqatigiilluni kommuninit pineqartunit akilerneqartassapput.

*Atortuulersitsinermut aalajangersakkat*

**§ 14.** Nalunaarut manna aprilip aallaqqataani 1997-imi atuutilersussatut 1. oktober 1997 atortuulerpoq.

*Namminersornerullutik Oqartussat, ulloq 12. september 1997*

Daniel Skifte

/

Sólja í Olavstovu

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut